



Inatsisartunut ilaasortaq Malik Berthelsen  
Siumut  
/maani

### § 37 naapertorlugu apeqqummut nr. 2011-225-mut akissuteqaat Namminersorlutik Oqartussat inissiaataanni attartortittakkani oquk

Asasara Malik

Aallarniutigalugu Namminersorlutik Oqartussat inissiaataanni attartortittakkani oquk pillugu apeqquteqarnerit pillugu qutsavigerusuppakkit. Apeqqutitit siulliullugit issuarneqarput, tamatumalu kingorna akissutigaa allanneqarluni.

1) Namminersorlutik Oqartussat inissiaataat sinerik tamakkerlugu oqoqarnerisut misissuiffigineqarsimanerlutik? Misissuiffigineqarsimangippatalu qaqugu misissuinerit piareerseqassappat?

AKISSUT: Naamik, Namminersorlutik Oqartussat inissiaataanni tamani tullerriaarluni misissuisoqarsimangilaq, taamatullu aamma taamatut pisoqarnissaa pilersaarutigineqarani.

2) 1. maj 2012 inissianik oquk pissutigalugu akitsuinnissaq, sinerik tamakkerlugu aningaasanik qanoq amerlatigisunik 2012-imi aamma 2013-mi isertitsissutaassava?

AKISSUT: Iluanaarutissat katillugit 26 mio. koruunit missaanniittussatut missiliorneqarput.

3) Aningaasat akitsuinnikut isertinneqartut illoqarfanni sorlarni najugaqarfinnullu (boligafdelinginullu) sorlarnut atorneqassappat?

AKISSUT: Aningaasat inissianut illuutinullu eqqugaanerlunnerpaasunut, aammalu aningaasat iluaqutaanerpaaffigisaannut atorneqassapput.

4) Najugaqarfii/illoqarfiit oqummik ajornartorsiuteqanngitsut akiliutaat qanoq pineqassappat?

AKISSUT: Matumani nammaqatigiilluni akiliteqarnissaaq, tamanut akilersinneqartussaaq pineqarpoq.

5) Oqummut akitsuineq piffissami qanoq sivisutigisumi atuutsinneqassava?

AKISSUT: Ajornartorsiutip atuunnerata nalaani.

6) Inissiat/illut oqoqalernaveersaatinnissai oqoqalersimaneriluunniit kiap akisussaaffigivai?

AKISSUT: Oqummut pissutaasartut nalinginnaasumik pingasuusarput.

02. december 2011  
Sagsnr.: 2011-058606  
Dok.nr.: 775525  
Postboks 909  
3900 Nuuk  
Tlf. (+299) 34 50 00  
Fax (+299) 34 54 10  
E-mail: aan@gh.gl  
www.nanoq.gl

a) Illup sanna (pisoqalisimaneq, siornatigut sanariaasiusuni ilusiliisarnerit naleqqutinngitsut)

b) Aserfallatsaaliuinissap amigaataanera amigarneraluunniit.

c) Atuisut pitsaanngitsumik atuinerat.

Amerlanertigut 60-ikkunni 70-ikkunni illuliat pineqarput, taakkunani init masattuleriviit ilusiligaanerannut silaannarissarluarneqarnissaannullu pisariaqartitat eqqumaffigineqarsimasanngimmata. Aamma illup silataata qalliutaanik aserfallatsaaliuinnginneq kukkusumilluunniit aserfallatsaaliuineq oqoqalernermik kinguneqarsinnaavoq. Pisut ilaanni aamma attartortut ullut tamaasa inissiap iluata tamarmi isungutsinnginnissaa anguniarlugu silaannarissaanissamik qulakkeerisannginnerat pissutaasarpoq.

7) Inissiat oqoqalersimanagerat pissutigalugu allatigut qanoq matussuserneqarsinnaanera misissuiffigineqarsimanagerluni?

AKISSUT: Naamik.

8) Akitsuinerup kingorna ineqarnermut tapiissutit (boligsikring) qanoq amerlatigisunik Namminersorlutik Oqartussanut Kommuninullu aningaasartuuteqarnerlulissanersut naatsorsorneqarsimava?

AKISSUT: Ineqarnermut tapiissutit 20%-it missaasa tunniunneqartarnerat tunngavigineqassappat, pisariaqartitat 5,2 mio. koruunit missaannik amerlineqartariaqassapput.

Inussiarnersumik inuulluaqqusilluta

Jens B. Frederiksen